

Skupština Brčko distrikta BiH, na osnovu člana 22 Statuta Brčko distrikta Bosne i Hercegovine („Službeni glasnik Brčko distrikta BiH“ broj 3/07), na 51. redovnoj sjednici održanoj 26. juna 2007. godine, usvaja

ZAKON O IZMJENAMA I DOPUNAMA ZAKONA O OPĆIM USLOVIMA ZA ISPORUKU ELEKTRIČNE ENERGIJE

Član 1

U Zakonu o općim uslovima za isporuku električne energije («Službeni glasnik Brčko distrikta BiH», br. 36/04 i 03/06), u članu 1 stavu 1 riječi: »Vlade Brčko distrikta BiH» zamjenjuju se riječima: »preduzeća za snabdijevanje električnom energijom».

Član 2

U članu 41 stav 1 se mijenja i glasi:
«Kupac je dužan da licima, koja predoče ovlaštenje isporučioca, omogući pristup do vodova vanjskog i unutrašnjeg priključka, mjernih i zaštitnih uređaja, instalacija i potrošača, radi njihovog održavanja, provjere ispravnosti i obustave isporuke električne energije.»

U stavu 2 ovog člana riječ: «neispravnosti» zamjenjuje se riječju: «nedostataka».

Član 3

Iza člana 116 dodaju se nove glave VII i VIII i novi članovi koji glase:

«VII. NADZOR

Član 117

Inspekcijski nadzor nad primjenom ovog zakona vrši nadležna elektroenergetska inspekcija.

VIII. KAZNE NE ODREDBE

Član 118

Novčanom kaznom od 1.000 do 3.000 KM bit će kažnjeno za prekršaj pravno lice ako:

1. ospori isporučiocu priključenje novog kupca na elektrodistributivnu mrežu (član 35 stav 1 Zakona);
2. onemogući ovlaštenim licima isporučioca pristup do vodova vanjskog i unutrašnjeg priključka, mjernih i zaštitnih uređaja, instalacija i potrošača kupca, radi njihovog održavanja, provjere ispravnosti i obustave isporuke električne energije (član 41 Zakona);
3. neovlašteno troši električnu energiju (član 108 Zakona).

Za radnje iz stava 1 ovog člana bit će kažnjeno i odgovorno lice u pravnom licu ili fizičko lice novčanom kaznom od 500 do 1.000 KM.»

Dosadašnja glava VII postaje glava IX, a dosadašnji članovi 117, 118, 119 postaju članovi 119, 120 i 121.

Član 4

Ovaj zakon stupa na snagu danom donošenja i objavit će se u «Službenom glasniku Brčko distrikta BiH».

Broj: 0-02-022-77/07
Brčko, 26. juna 2007. godine

PREDSJEDNIK
SKUPŠTINE BRČKO DISTRIKTA BiH

Prof. dr. Milan Tomić, s.r.